

亂雲山望杳茫眼梢林下土髮髯數支郎

贈潘高士二首

冬至煉朱砂夏至煉水銀常使居士釜莫令鉛汞分子母既相感火候常溫溫如是既久久功成昇紫雲

其二

龍虎戰百六烏兔交七九坎離直寅申艮巽司卯酉一粒同朱橘千古永不朽八月十五夜三杯冬至酒

五言絕句

雷恬真小隱送春

天不欲留春東君暗歸去碧梧枝上看瀟瀟風送雨

道藏輯要

白真人集二

九

集二  
川名川

旅邸睡起

雲爲山積翠雨倚草添青一覺南柯夢俄然鳥喚醒

題仙巖無塵軒

塵尾清虛話銅爐起淡煙嶺頭猿叫罷月落碧潭圓

詠四仙四首

韓湘子

白雪滿空夜黃芽一朶春藍闕歸去後問甚世間人

陳七子

一卷無人識千鍾對客談桃花開欲謝猶自戀寒巖

何仙姑

闔苑無蹤蹟唐初有姓名不知紅玉洞千古夜猿聲

曹國舅

竊得玉京桃踏斷京華草白雪滿蓑衣內有金丹寶

題棘隱壁三首

苔空綠錢死松老清影瘦結廬卧白雲柏子燒春晝

二

幽鳥噪岩谷寒煙鎖薜蘿忽遇金蟾蛛無人自呵呵

三

碧草正春風雨晴竹落涕白鳥忽飛來點破一山翠

有懷聶尉五首

道藏輯要

白真人集

十

婁集二

身豈能爲患心何可得安想應知鶴怨未得伴鷓鴣

二

北闕投封事南山返故廬李衡千樹橘張璠一園蔬

三

月濕松梢露溪鳴竹裏風是中有詩味何日一樽同

四

不是無知己相忘獨有君孤襟開皓月往事付浮雲

五

劔浦猶殘堠螺江始問津向來風浪惡回首謝靈均

徐道士水墨屏四首